

廣東府縣志輯

中國地方志集成

嘉慶平遠縣志
光緒鎮平縣志
康熙增城縣志
民國新修豐順縣志



中國地方志集成

廣東府縣志輯②¹

嘉慶平遠縣志

光緒鎮平縣志



康熙埔陽志

中華民國新修豐順縣志

嘉慶平遠縣志

(清)

盧兆鵬
鵬舉等纂修



本書五卷、首一卷。現據民國二十四年
(一九三五)鉛印本影印。

重刻平遠縣志序

邑之有志猶國之有史也風物人情遺聞勝跡皆於是乎考文獻所繫非細事也吾邑志既以難籌巨款無力重修而舊本亦歷時已久所存無幾邑人士懼并此而失之則異日雖有修輯之機而亦無所因引矣乃籌集微資付之翻印魚適提一旅之師駐防梓里因贊其事並爲之序云

嚴應魚謹識

中華民國二十四年三月 日

平遠縣志

卷之一

序

序

粵省議修通志奉文取草志具申竊意詳十五鄉之風土稽數百年之實蹟皆當援據舊志舊志所未及備又須諮訪耆宿邑紳各據聞見依類補叙幸邑屬爲文明勝地有衆咸造不數月而草志成繕贊

列憲獲免厥飭庶幾職要職詳有典有則有明徵矣乃同學欲勿棄成勞又以續修縣志請予曰舊志重修于雍正八年厥後星移物換寒暑遞遷一切規制之廢興人文之叠起忠孝節義之未可磨滅殆近百年茫然無可考証今草志克就厥緒曾莫肯被潤澤而大豐美亟付棗梨豈爲無以昭示方來又豈爲敬恭

平遠縣志

卷之二

序

桑梓耶第衡湘俗吏勞形案牘實未嘗一二日稍有餘閒詩曰人之好我示我周行易曰同心之言其臭如蘭然則集益廣思和衷共濟寧非責望更有攸歸歟多士得請爰相與計時程功重加編輯予再四披閱喜其樸而不野映而不膚非僅邇來九十餘年補闕拾遺兼綜條貫並取舊志遵新頒義例決擇維嚴要其分合同異之故莫非矢虛公存矜慎緯以卓識鴻裁並未敢稍有一毫成心臆說與乎其間慎斯術也以往安論邑乘他年秉軸徽垣揮椽閣論列數千百年之史事羽翼六經甄拔萬方九有之英流熙凝庶績初非有二道矣予愧碌碌因人藉以藏拙因亟弁數語以獎勸之

凡例

一邑志自前明寧沙劉君始訂成書創始誠難厥功其偉祠星閣王益所李三浦王起學劉子峻顏餘菴黃運清諸前輩以次續修今惟黃志尙存而從前論說見於黃志者惟子峻居多是書曰劉志宋之子峻也曰黃志宋之運清也若名無可考則統云舊志不敢沒其實云

一 是書悉依黃志爲增損雖別類分門稍有同異實因而弗削
一 是書分卷五分門二十有四未列專門者依類附入如縣志市衢路則附之疆域險隘則附之形勢倉獄則附之署縣戶口則附之田賦書院考棚則附之學校仕職封典則附之選舉仙釋則附之寺觀是也若取便行人之義於津梁後姑附茶亭取紀古蹟之義於名勝後姑附坊塔以俟更爲商訂焉

平遠縣志

凡例

三

一田賦戶口舊志重見疊出今依現在賦役全書編輯以免重複
一先賢先儒位次從前未免失序茲遵闕里志詳加改正
一職官惟實授者編入體例固宜爾也而署事中或有政績可傳者亦於宦蹟門補載以示不忘亦以示勸
一選舉中首文武科目次薦辟復附仕籍一條以彙各職既廣其進之路亦寓鼓勵之方也

一舊志列載人物分鄉賢行誼孝行義勇等各爲一類今遵通志條例統以人物類之使觀者自得至閭閻簡烈雖歸人物一門

仍以列女別之

一登載人物自應以舊志所編者居前其得之近所採輯則列人
續編而續編中又考證時代為先後然舊人物首程處士新人
物以劉孝子列于最先以張任菴為後勳亦可見此為嶺南間
氣所萃非平邑所得私也

一舊志修于雍正八年嗣是無可考証者寧可勝既雖悉心採訪
仍恐尚有遺軼統俟續登

平遠縣志

卷之首

凡例

四

目錄

平遠縣志目錄

卷之首

序

舊序

卷之一

星野

山川

卷之二

學校

兵防

平遠縣志

卷之三

選舉

卷之四

人物

卷之五

列女

舊跋

凡例

輿圖

氣候

城池

沿革

署廨

祀典

職官

風俗

物產

人物

列女

名勝

寺觀

津梁

藝文

目錄

修志姓氏

疆域

田賦

水利

形勢

官蹟

詳異

津梁

藝文

平遠縣志卷之首

舊序

平邑舊屬潮郡與江閩接界故置今縣以彌盜源邇來四境平寧奉本府有采輯之檄然旁搜博訪莫得其詳卽父老耆舊各述傳聞亦各自爲說難定適從乃登進有衆而與之辦是非附以管見謹備大略以資採擇亦以見新造之邑兵燹之後其可據者僅此而已也若於志之體裁有當與否則不敢知

萬歷六年平遠縣知縣劉孕祚撰

舊序

平遠古屬梅州雖號新設實維舊邦喬始蒞斯土弔劉鐵漢何陋之居追程處士行義之化慨然有遐思焉歲戊戌奉憲檄修嶺南

通志平遠例當以邑志備採擇乃舊志雖存而近事多闕且與新頒義例不甚相合爰取故乘依例分載其未及載者復搜輯續入卽屬辭比事不無損益然傳舊者十九增修者十一庶幾更無遺漏已嗟乎子長孟堅均紀漢事一彰其美一盡其傳因而述者非學叔敖續而增者豈添蛇足余於是志賴何則於前修續貂尾於今日總以備通志之採擇云爾其於異同乎何病

萬歷二十八年平遠縣知縣王文雷撰

舊序

平遠之有志自寧沙劉君昉也距開縣一紀餘矣其後志則益所

王君續之距前志二十餘年矣今距王君之年亦如王君之距劉君也懋修續修之適邑紳以爲請爰取二志較閱刪其

繁而挈其要至於近事有聞恐屬臆鼎尤嚴覈再三而始人焉爲志十七傳三贊五論十六議一竊系令尹告新之忠附於各志之後後之同官其以爲燕人操舟也惟命其以爲僉父覆瓿也亦惟命若余所厝咨則諸同人皆碑余所不逮者故並書之

萬歷四十七年平遠縣知縣李允懋撰

舊序

國家輿圖式廓四海八荒稽首效順寸天尺土咸隸象胥

聖天子益勵精圖治登上理已爰命詞臣蒐輯明史考鏡得失纂

修

本朝實錄永爲

寶訓尤徵十五方書以志一統余銜

命來牧平陽平雖彈丸黑子遠處天末而太史陳詩不遺曹檜亦必紀其封域山川戶口田賦人文物產遺事勝蹟以昭一道同風之盛且爲政大端惟在節剛柔以制法準豐嗇以範俗別出入以經士察良楮以彰教而先資要莫備於志余甫下車卽閱邑乘平自嘉靖甲子析程之四都以成縣治迄今百餘年所板凡四易前志備載披卷瞭然但恐人文或遺於篇帙幽德或沒

於嚴阿遺賸未表彰廢墜未盡修舉爰集儒生咨之鄉達詢之芻蕘缺者補之訛者正之有疑必核有幽必闡纂輯成帙紀載昭明獨是封井猶是也得毋須經理之人乎田賦猶是也得毋須節宣之人乎兵防壁壘之森羅而綱繆克詰者誰乎風俗物產之變遷而轉移維輓者誰乎潛德節烈之幽隱而表揚旌獎者誰乎則觀志也固足備一方之文獻而官斯土者尤必因勢利導勞來勸相以成一代蕩平之治不然按圖膠柱德化不宣豈陳詩觀風子惠元元之至意哉

舊序

康熙二十五年平遠縣知縣顏奇宿撰

平遠縣之有志始於明萬歷之六年縣令劉君寧沙成書至我朝康熙二十五年前令顏君餘菴續修之中間王益所李三浦王起莘劉子峻次第掇聚其山川城郭人民風物無不備載後有作者弗可賢已平舊屬草創且界萬山中寇亂靡常披圖志者不無治亂相半之感我

皇上神聖天賈聲教普被平土民不見兵革者將百年於茲矣其山川之秀靈猶是也城郭之鞏固猶是也人物之豐熙風俗之淳美蓋視昔什百有加矣所宜蒐輯紀載豈惟

國賦兵防職官人文鄉賢孝誼貞烈諸大端而其最盛則社倉設而民食豫矣祠先農封

先聖五代躋祀先賢先儒而祀典備矣修

文廟廣入學額而文教宣矣蓋平雖彈丸邑平而志乘明備大有可觀若此豈不偉然盛典哉今

上御極七年詔諭直省州縣纂志按遺編訪耆逸察幽隱貢補成書以昭盛軌平之人士與官斯土者其繹思今日之風清煙靖山高水綠與夫禮樂衣冠之盛婦子室家之樂耕鑿少誦之美皆我

朝宵旰圖治覃及遐邇之澤也當必油然而動忠愛之思豈徒作邑志觀哉或曰

皇上詔諭亦王制命太師陳風開禮外史掌四方之意也曰是極

治事也非此志之謂與

雍正九年平遠縣知縣黃大鵬撰

舊序

此志公刊於前志後志皆不取此志云

體備紀載者其觀邑之志乎嗟乎志亦何可易言哉志今者恆不如古志小者恆不如大志新邦者不如舊國往往然也夫考古古之得失按上世之版圖其是非罕如也其人物井如也其山川風土輿區名蹟經名人所品題賢哲所稅駕呈勝顯靈列眉抵掌無不可坐觀其概且以後鏡前以來証往無忌諱之嫌形迹之拘祇因成案久定以筆墨斧鑿之昔人謂使司馬子長復生於今日不能更成史記實有見於志今

之難也且通都大邑風氣久為開先英雄俊杰所托迹岫巒
川澤所潏帶名城沃野翕沓控制碑板之所留圖籍之所列
灑灑洋洋孰不可供我毫楮太史公歷編河洛海岱上會稽
探禹穴縱橫數千里乃以成史記而鄒道元以博治之胸襟
擅方輿之學涉足神皋跨俯城陸水經之注遂出蓋惟識
最大滋為可傳耳又况鐘鼎遺都喬木故國卿孌宛委之藏
金石盤盂之書高曾規矩世室文獻考鏡叅稽取次就緒豈
若草昧肇闢補苴支吾朝換夕更無可詳審譬之營居者然
錢穀出入之數婦子臧獲之侶部署甫定斟酌有待安得以
一人一日靜而治之則志新邦者與志舊國其難易又當有

辨也予自荷甌平遠時邑令高淳胡公以邑志相屬草甫定
而胡公去起莘王公蒞止乃力董其成予維平固新造之邦
而郡之偏邑所謂志今之難與志小之難者莫平遠若自三
浦李公以前凡三志矣其間位置條列不一其矩繁簡詳略
不一其文今之繼其後者攷稽定極正譌削謬則疑於僭因
仍蹈襲陋簡相沿則疑於踈離一割里分疆人物參錯問氏
族必於所出而介於三邑之間莫適為主溯流求源實所未
易難二版籍僅四里而幅員幾至二百志地者遺民料民者
遺地雖三專祠虔奉如王巽山公計貞烈樓梅貞民當與金
湯並永乃時異事遷湮滅弗傳探訪無自難四邑僻道阻文

人墨客經過信宿罕留賦詠菁華藻繪不大流覽茲之所有
吉光片采雖五且提鉛握槧汲古淪今非附隆顯曷以聲施
矧以區區一寒甌之人而欲言出信從詎不內愧難六子不
佞實才遜三長學窮半豹安敢從紀載之間自翫嚴整不過
潤飾遺文續承舊緒冀不負前後令君之意則不佞寒
甌一署亦此邑之政吾其庶幾與聞者與
崇正十六年平遠縣教諭番禺謝長文撰

舊志發凡

舊志經劉君寧沙王君益所兩公手訂而李君三浦王君起
莘暨學博謝伯子諸公相繼修輯迄今三十年矣令甲屢易
板燬無存其間天時人事之迭更芳蹤懿跡之易湮文獻罔
徵心焉悼之爰博訪廣咨且芟繁去蕪凡所損增輒遵時制
視舊志為加嚴云
邑乘為勸勸所關卓犖瑰行之士由三途起家者多附見於
題名之下若鄉賢若名宦則有專傳固統為表章矣其有未
登仕籍而行高鄉鄰者則見於別傳若夫矢志深閨秋霜比
烈亦不欲聽其湮沒蓋身司風厲且緇衣素懷也子長作傳
贊詞旨蒼涼令讀者感動予不敏竊有志而未逮焉
禮樂兵刑官職科目與夫戡亂興治皆政之大者故登載悉
備至賦役尤關切生民利病

國家濫征無開物力充枵而後差支費經制視前代彌詳因錄新
頒全書而舊紀併附

自鎮平分疆山川土田戶口盈縮其中分合異同毫不相混覽
者自得


未開平遠之前鄉貢多屬程產既割籍入平則爲平人後分疆
於鎮又爲鎮人然人雖鎮而籍於平七十年所矣則貴皇維子
皆皆良也故並存之

以上皆劉公諱駿名發凡語也劉序無存舊志謹登數則茲
仍存之以見起莘王侯修志後劉侯實繼修云

平遠縣屬

平遠縣疆域圖







平遠縣城和圖

平遠縣志

卷之首

疆域圖

十一






平遠縣志

卷之首

城郭圖

十二





平遠縣志卷之十一

分野

周禮保章氏以星上辨九州之地此分野之說所由助乃後世卽是以測災祥往往有驗有不驗論者謂天道遠人道迥非以修德其本務歟然人事實與天道相感召傳曰人所歌舞天必從之平處嶺海之交豈無默相符者志星野

西漢書天文志牽牛婺女爲揚州地理志粵地牽牛婺女之分野今之蒼梧鬱林合浦交趾九真南海日南皆粵分也粵東古南海地分野應屬牛女然平邑壤接江閩安可往泥粵之分野乎按孫章分星屬斗甌閩分星屬牛女則平之野當在豫章之南閩之西卽謂近斗牛之間也可

氣候

嶺南瀕海氣候與中州稍異大都陽懷多而祁寒少昔人云四時俱是夏一雨便成秋洵屬不誣特平介江閩峻嶺巨嶂四圍環繞寒暖之氣與州境且微殊又烏可以全粵概之耶

志氣候

州志云前此人物稀少林莽叢雜時多瘴霧隆平日久山谷開闢殆盡瘴霧全消人視爲樂土矣

舊志云邑界江閩冰霜間見飛雪終稀桃李冬花禾稼再稔秋後猶餘殘暑隆冬頻見暖律一日之間驟雨生寒四時之氣炎蒸爲盛

平遠縣志

平邑嶺多寒少立春卽和暖是日喜晴霜以兆一春雨澤至春深則又多寒每寒卽雨俗謂春寒雨起是也然寒暖又以春前冬月爲占冬月霜凍多則春暖不然則寒

雨水多雨謂之應節于是浸種落秧

驚蟄不宜雨雨兆旱然宜寒凍殺蟲豸

清明新茗出花柳芳菲炎氣漸蒸是日最忌雨雨則麥穗之將熟者壞

穀雨刈麥蒔田農務正忙

立夏後綠榕成陰桃李楊梅諸果熟但其風暖其氣濕牆壁柱礎泚然滲液衣服易生霉黴

夏至日不宜雷雷則旱俗又以夏至後逢辰謂之分龍是日觀雨

起何方則分某方之龍自後雨起于分龍方則雨至否則雨不至

大暑早稻熟秋秧長農夫斯時最忙

立秋後暑氣尤烈然嘗多夜雨謂之秋淋若九月或見微霜最易傷稼

立冬後晚稻登二麥布種氣或時燥謂之小陽春

冬至日喜天陰陰則來歲豐稔父老以爲陽來陰受也

二雪二寒微有冰凍厚不及寸或雪如珠粒灑屋瓦有聲謂之米頭雪非微若絮曰鵝毛雪然亦不常有

沿革

平邑舊隸程鄉程建自南齊通志齊義安郡六縣程鄉其一也時以程處士德孚于鄉故名厥後或析郡爲州則以縣隸州或裁州歸縣後以縣隸郡所屬屬易程鄉之名不改明嘉靖間析程鄉地增爲縣平邑于是時其間分合之故不可不記也志沿革

縣治在豪居林子營實程興區也地界江閩羣盜出沒嘉靖三十八年司土者難之爰築土城設通判府館以資彈壓四十年復議劃閩之武平上抗江之安遠粵之興寧四邑地益之龍館置縣明年仲夏縣成以其界于武平安遠也故名隸江西贛州府

嘉靖四十三年還江閩三縣割地分程鄉之義化長田石正三都併興寧之大信一里附義田都合爲縣改隸潮州

崇正七年析平遠地增置鎮平初劫賊蘇俊龍義等流劫江閩多發難于石窟守土者議移師覆其巢而石窟士民不從賊者有玉石俱焚之懼遂呈乞移平遠治城于其鄉當事者謂干戈未定復興大役非安集之計尋平城士民亦早稱不便論者乃謂兩地相距百餘里遙治爲難若實彼而虛此恐後之視平遠猶今之視石窟也當事聽其議未幾石窟士民懇請益力是年遂定議添建新邑割石窟一圖二圖屬焉併移本學訓導署新邑學事石窟巡司俱移

國朝

雍正十一年平遠改隸嘉應州天設州以前平遠與程鄉直隸潮州是年以程鄉改直隸嘉應州平邑遂與興寧長樂順平直隸于州
雍正十二年題設埔頭司巡檢

平遠縣志

卷之二

沿革

五

五

疆域

平遠縣志

古者天子建國上游以總領海宇俾千百國分疆而理後世郡縣之設遂因之平邑當江閩南越之界限以峻嶺崇岡綿亘百里則分鄉轄而肅郊圻審衢路以辨遐邇詎不穆然可紀乎志

疆域

廣一百里袤一百四十里

東至東石鄉燕尾山七十里為鎮平縣界

西至九鄉藤嶺四十里為江西長寧縣界

南至長田鄉十二排一百一十里為嘉應州界

平遠縣志

北至鄒坊鄉項山三十里為江西長寧縣界

東南至熱水鄉一百里為嘉應州界

西南至大信鄉一百二十里為興寧縣界

東北至差千鄉四十里為福建武平縣界

西北至鄒坊鄉分水凹三十里為江西長寧縣界

自縣至州一百五十里至省一千六百三十里至京八千二百一

十里

鄉轄

平邑設鎮中以前鄒凡六口嶺化鄉長田鄉委田鄉石嶺一圖石嶺二圖嶺正七年制平邑石嶺一圖石嶺二圖并經鄉之通乘二圖松源二圖設鎮中平遠止存四圖以石嶺都為石正都而嶺化長田嶺田仍其

豪居鄉

今改仁居